



USAID
FROM THE AMERICAN PEOPLE



USAID Lori Kampaña MTV EXIT nian ba iha Televizaun (TVTL)

5 Agosto 2010 (Dili) – Admiradór múzika nian sira bele hanoin hikas fali MTV EXIT nia konsertu iha Dili bainhira TVTL halo transmisaun ba programa espesiál foun iha oras 1 nia laran kona-bá konsertu ne'e no mós MTV nia kampaña anti-tráfiku iha tuku 8:30 kalan iha loron Sábadu, 7 Agosto. Espozisaun espesiál ne'e apresenta múzika husi konsertu ne'e no mós informasaun importante kona-bá saida mak tráfiku, oinsá mak nia afeita povu Timor-Leste, no saida mak ema ida bele halo se bainhira sira hanoin katak tráfiku akontese duni iha sira nia komunidade laran.

Konsertu ne'ebé hala'o iha fulan Juñu liubá ne'e, halo-rame husi Indonézia nia estrela (fitun) sira husi grupu Superman Is Dead (SID) no mós ho banda múzika populár Timor nian, doko admiradór hamutuk 20.000 resin. Artista sira fahe mensajen kona-bá perigu sira husi tráfiku umanu nian. Ema milaun 2.5 resin mak hetan tráfiku iha tinan-tinan, ho maioria husi vítima sira mai husi rejaun Ázia-Pasífiku. USAID-MTV EXIT nia kampaña anti-tráfiku nian ne'e atrai no hakbiit ema foin-sa'e sira atu identifika di'ak liután sinál no perigu sira husi tráfiku umanu nian. Konxiénsia ne'ebé boot liu kona-bá asuntu ne'e sei bele salva ema sira nia vida.

Apresentasaun espesiál televizaun (TV) nian ne'e hatutan MTV EXIT nia kampaña konxiénsia públiku nian ne'ebé hahú tiha ona ho konsertu iha Dili iha fulan Juñu. Kampaña ne'e sei continua to'o fulan Outubru. Parseiru mídia sira, inklui TVTL, RTL no estasaun sira rádiu komunidade nian iha rai-laran tomak sei halo transmisaun ba apresentasaun anti-tráfiku nian lubun ida, inklui anúnsiu sira servisu públiku nian, dokumentáriu MTV EXIT Timor-Leste nian, no animasaun espesiál ida ne'ebé ho objetivo atu tulun ema foin-sa'e sira atu bele konxiente no hatene liután kona-bá perigu sira husi tráfiku umanu nian. Kampaña ne'e mós sei inklui konsertu seluk ida iha fulan Outubru iha Timor-Leste nia kapítál distritu nian ida.

USAID nia parseiru lokál sira ba anti-tráfiku nian – Organizasaun Internasional ba Migrasaun (OIM) no ONG Fundasaun Alola – fó ona tulun ba MTV EXIT hodi halo monitorizaun ba konxiénsia atu buka hatene se karik kampaña ne'e muda duni atitude no hahalok hasoru tráfiku nian. Estudu sira husi molok, durante no depois de kampaña ne'e sei ajuda hodi komunika intervensaun sira no hatudu impaktu no rezultadu sira. USAID Timor-Leste nia programa mídia nian, Sentru Internasional ba Jornalista sira [the International Center for Journalists] (ICFJ), mós fó apoiu ba kampaña ne'e nia esforsu sira ba kobertura nian hodi halo ligasaun sira ba estasaun rádiu komunidade nian iha distritu 13 hotu-hotu no mós kursu treinamentu nian ba jornalista sira iha rai-laran tomak kona-bá asuntu tráfiku nian.

Ho USAID nia apoiu, MTV EXIT hala'o ona konsertu 25 iha rejaun Aziátiku nian iha tinan rua ne'e nia laran, inklui eventu sira iha Tailândia, Laos, Kamboja, Nepál, Taiwan, Filipinas, Vietnam no Indonézia. MTV/EXIT nia programa rejaun-tomak nian ne'e administra iha liur ba USAID nia Misión Dezenvolvimentu Rejonál nian iha Ázia husi Michael Bak, Ofisiál Superior ba Governsaun no Populasaun Vulnerável sira.

----- ends -----

Atu hetan informasaun liután, favór kontaktu:

Lisa Rogers, Ofisiál Komunikasaun USAID Timor-Leste nian, lrogers@usaid.gov +670 730 5947